

Zuɗɗwire á wakita na a puwanta Paul ge TIMAUTE

Ga use á Paul ge Timaute

¹ Wakita na yá aɗkwa á puwetá ba iya Paul, ya slebela á Yaisu *Almasiihu na mí fete tama á miya áte ɗane na. Ya slebela-aara aɗaba ta eksisaa ba itare antara Dadaamiya Slelyamilya.

² Yá aɗkwa puwaktá ge ekka Timaute, ekka na gakevge ba seke egdza-aaruwa, aɗaba ka fetare áte Yaisu Almasiihu ázeruwa. Eddemiya Dadaamiya antara Yaakadada Yaisu Almasiihu, a magarakánmaga ɗgurna, a zarakvaarze, a varakteva hairire.

Faufa hyema, tsahauka názena á zlaleka an elva á Dadaamiya

³ Am sarte na yá zlálá á dem Makiduniya keni, ndza ya bakánba geni njinja am Aifaisus. Kina keni ya bakánba zlaɓe ádaliye: njinja á ba áhuwa, geni ká piyaterantá ka ge emnde na tá kwaraterse názena á zlaleka an elva á Dadaamiya na ge emnde. ⁴ Ká baterná ka

geni a yaránya shuɗɗula á labare á eggye-aha an ervaɗɗe-aatare baɗemme na. A yaránya pákyá *kergema á eggye-aha baaka halavuwa-aara ɗekiɗeki na. Aɗaba á melateruka ge emnde ɗekiɗeki ge mága namaari á Dadaamiya, á saterá ba gá jawe ge emnde. Namaari á Dadaamiya ɗanna wá, mí dise á ba an fetarfire

á miya áte ñane. ⁵ Dalila una ni ká de bateraná ka una ñanna maa, ba geni a wayarwaya an emnde an erwaunde-aatare palle. Ge wáyá emnde umele keni maa, erwaunde-aatare a gevge an bara, tá maga ba duksa shagera na á kataná Dadaamiya na, antara tá fetarfe á ba an jirire. ⁶ Emnde umele wá, dzalarevdzále áte unñule á jirire, yaranya mága shagerire ñanna, tá shunñula ba elva-aha na baaka nampire-aara ñekideki na. ⁷ Wayarwáya geni tá gevge malum-aha á *tawraitá, tá kwaraterse ge emnde á ba an ndzedfa, amá ba itare keni tá cenánka duksa ñanna tá ndahaná ba itare an we-aatare, tá ámbera kwaraterse ge emnde na.

⁸ Diyamidiya ganakini shairiya-aha á Dadaamiya wá, shagera má ura á edfaba an unñule-aara. ⁹ Diyamidiya geni Dadaamiya wá, a saterán ge emnde a jirireka shairiya-aha-aara, amá ge emnde na kwalarefkwale ñaba ñane. A saterán ge emnde na baaka lyáwá á Dadaamiya am erwaunde-aatare, ge emnde na ta feka zherwe áte ñane, antara emnde a mága haypa, antara ge emnde na ta epsawa názu a ndahanaa wakita-aara, antara ge emnde a ceba shifa á dada-aha-aatare antara mama-aha-aatara, ge emnde a ceba shifa á emnde bademme. ¹⁰ Zlabe ádaliye: Dadaamiya a sateraa shairiya-aha-aara ge emnde a mága gwardzire, antara emnde na tá zlava an zala-aha umele ba seke itare ge muksire; ge emnde na tá ila emnde ge de valateraa am tate umele, ira ge emnde a fida. Dadaamiya a saa shairiya-aha-aara wá, adfaba bademme á duksa-aha na

á badza názu a kwaramisaa ɲane. ¹¹ Bademme á duksa-aha ɲanna wá, á kwaramisá ba labare á higa, elva a Yaisu *Almasiihu. Labare á higa ɲanna wá, á sawa áza Dadaamiya Saksage, ba ɲane una edda á barka, a fiyaare de balaterá labare á higa ɲanna ge emnde.

Paul á gálá Dadaamiya adaba ɲurna na a magannaa ɲane

¹² Yá aɲkwa slafaná we-aaruwa jipu ge Yaakadada Yaisu *Almasiihu, adaba diyeddiye ganakini watse yá maganá slera-aara an er-vaunɲe-aaruwa palle, daaci a naba eksise, a give slebela-aara. Adaliye yá slafaná we-aaruwa adaba ndzedá na aɲkwa á vitá ɲane am slera ɲanna. ¹³ Werre wá, ndza kwakya elva yaiyaihe na ya velyanaa ya áte ɲane, ya naba zlazla zhera-aara, antara ba zladá keni fanaterarfe ge emnde-aara. Bademme á una ɲanna, aley Yaisu Almasiihu a naba zivaarhe, adaba zlaɓe fantarka áte ɲane, ndza diyanka názu ya maganaa ya. ¹⁴ Yaakadada Yaisu wá, magiyánmaga ɲurna kwakya. A naba vite fetarfire, antara wáyáva ganakini yá wayetewayá ɲane. ¹⁵ Náwa elva a jirire na baaka arge ɲane dekiɲeki, shagera tá lyevaalya emnde bademme an er-vaunɲe-aatare palle: Yaisu Almasiihu a sawhe á sem duniya, a se lyá emnde a mága haypa, kwakya-aara ba iya edda á mága haypa ɲanna. ¹⁶ Amá Yaisu Almasiihu wá, ba iya na janateruje ge emnde bademme an haypa na keni, a naba zivaarhe. De katafke keni, á maraterná an una ɲanna ge emnde ganakini ɲane wá, slefarvaunɲe jipu, a

fartarfe áte ñane, tá shansha shifa na á zleka na. ¹⁷ Dadaamiya wá, ma vaatara keni Sleksa ba ñane palle. Ñane ankwá ba jirire, amá ura á nánka an ice. Ba ñane una Dadaamiya, baaka kalle-aara. Emnde bademme a galargálá ba ñane palle. *Aamin.

¹⁸ Ekka Timaute wá, gakevge ba seke egdza-aaruwa. Daaci náwa elva na yá bakaná ya: Elva na ta ndanaa nabi-aha werre na wá, ñanaaṅa elva ñanna ba shagera am ire á ña, lauktu ká de tsaatse an dzaṅdzaṅire. ¹⁹ Ma vaatara keni tsaatse á ba áte fetarfire á ña, a demka duksa á baakire á zherwe á dem erwaunḡe á ña. Emnde umele wá, cenarka názu á baterná erwaunḡe-aatare. Adaba una ñanna, garevge yiyiye an Dadaamiya. ²⁰ Náwa tara Himainaiyus, antara Alaikzandere ta dábete sera á emnde ñanna. Adaba una ñanna yanateraaya am erwa á Shaitaine, geni a sharánsha enkale-aatare, lauktu watse tá dalika á valya elva yayiaihe áte Dadaamiya.

2

Melawaterumele ge emnde bademme an maduwa-aha á kure

¹ Duksa zunḡwe na yá bakurná ya ge kure emnde a fetarfe wá: melawaterumele ge emnde bademme an maduwa-aha á kure. Njalawateruṅale Dadaamiya an slafa we á kure campaukkwe, adaba názu á magaterná ñane ge itare. ² Magaumága maduwa arge slekse-aha, antara male-aha umele na tá an hakuma na bademme, ganakini mí njinja an lampire,

mí njinja an hairire am larde á miya. Má shamiyánsha una, lauktu mí shá fa-zherwe áte Dadaamiya, mí njá an lyawa-aara am er-vaunđe. ³ Mága maduwa arge emnde wá, shagera jipu. Adaba á higarhiga Dadaamiya Slelyamilya. ⁴ Adaba nane wá, wayaawaya emnde bademme tá diyeddiye jirire á elva-aara, tá fetarfe, tá lyelye shifa-aatare. ⁵ Adaba baaka Dadaamiya umele, sey ba palle. Slemela emnde antara Dadaamiya keni sey ba palle. Nane keni ba urimagwe, ba nane una Yaisu *Almasiihu. ⁶ A se yaa shifa-aara, geni á lyelye emnde bademme am sarte na a wayetaa Dadaamiya na. An emtsa-aara nanna wá, á maraterán ge emnde geni Dadaamiya wayaawaya á lyelye emnde bademme. ⁷ Adaba una nanna, Dadaamiya a give slebela-aara, geni yá de balaterá elva nanna ge emnde á larde umele, yá de kwaratersekware jirire á elva nanna, geni itare keni a fartarfe áte nane. Una yá ndaha ba jirire, icaneka fida dekideki.

⁸ Daaci duksa na yá kataná ya wá, ma am tate-ara keni yá kátá zala bademme tá welaavewele an mága maduwa. Amá wá, sey ervaunđe-aatare an bara, an ekhya, baaka ga jawe keni am dagave-aatare.

⁹ Ge nwasha keni maa, yá kátá tá ngudá patele-aatare ba deydey-aara, a magarka jeba á ngudá patele na ni tá maganá an niya, ganakini a zhararaterzhara emnde bademme na. Zlabe adaliye wayanka tá keđa sarte-aatare bademme ba ge tataya ndera ire an lawa gergere, antara ngudá náza ngelawire, antara

tataya kacakaca na zlazlafa jipu na. Amá, a tsekwartsekwa kazlana-aatare an unḡule-aara. ¹⁰ Ngelawire-aatare ge itare wá, a gevge an mága shagerire. Zlaya-aatare ba una ḡanna ge ḡwasha na tá an lyawa á Dadaamiya am ervaunḡe. ¹¹ Daaci, máki kwá aḡkwa tsaha duksa á katafke á Dadaamiya wá, a njarinja ḡwasha ba tsekadḡe, a magarmaga fesarfire an ervaunḡe-aatare bademme. ¹² Vananteka ya baráma ge mukse ganakini á kwaratersá ḡane duksa ge zala, bi á geva male ḡane arge itare, amá a njinja ba tsekadḡe. ¹³ Adaba Dadaamiya a nderaa ba Naadama zunḡwe, lauktu a nderaa Hawwa. ¹⁴ Zlabe adaliye maa, Shaitaine a de janaa eḡkale ge Naadama ka, amá a de janaa eḡkale ba ge mukse. Daaci ba mukse una fansarka ge Dadaamiya. ¹⁵ Amá mukse wá, á de shá shifa áza Dadaamiya adaba egdzara na á yáná ḡane. Amá wá, sey á fetarfe áte ḡane, á maga wayavire áte emnde, á maga názena á kataná Dadaamiya, ira zlalava shagera.

3

Male am aiklaisiya

¹ Nawa elva yaikke, jirire zlabe adaliye: Edda una wayaawaya mága slera á gev male am aiklaisiya wá, slera shagera una á kataná ḡane. ² Male am aiklaisiya wá, sey zlalava-aara a gevge ba kalkale, baaka duksa mándzawe am ḡane. Edda á mukse palle. A gevge edda una á kwarukware vuwa-aara am duksa bademme, slenḡkale am duksa na a maganaa ḡane bademme, a gevge

edda á daradza, a gevge slelyiya wayve-aha am mba-aara an higa, a gevge slediya ge kwaraterse duksa an unjule-aara ge emnde. ³ Male am aiklasiya wá, a gevka slembazla, bi sledagala, bi slegá jawe, bi slewáyá nalmane, amá a gevge slefarvaunđe. ⁴ Zlabe ádaliye sey edda una ni a kwarukware huđe á há-aara keni, egdzara-aara tá cená elva-aara, tá fansarfe an ndzedá-aatare bađemme. ⁵ Yá ndahaná adaba uwe una? Adaba má edda-aara diyaaka kwara huđe á há-aara, á de tsanmaare estara kena ge aiklasiya á Dadaamiya?

⁶ Zlabe ádaliye: A gefka edda una a fetaare ba herzhe na áte Yaisu *Almasiihu, geni a demka am gala ire. Máki estuwa wá, shairiya-aara á de gev ba palle an náza á Shaitaine. ⁷ Edda una gevge male am aiklasiya wá, a shánsha seydire shagera á sawa áza emnde na ta ágashe geni shagera zlalava-aara. Má baaka una njanna wá, tá de epsawepsawa emnde, daaci á de demda am erva á Shaitaine zlabe adaliye.

Emnde a sawari á aiklasiya

⁸ Daaci, ba duksa palle ge emnde a sawari á aiklasiya keni. Sey a garevge emnde na shagera zlalava-aatare, a garevka emnde na tá an nara bu-buwa. A garevka emnde a mbazla, bi emnde a gá nalmane an zlerma. ⁹ Itare wá, a tsaraatse á ba áte elva a fetarfire na a kwaramisaa Dadaamiya am wakita-aara na palle, a magarmága názena á kataná Dadaamiya. ¹⁰ Zlabe ádaliye: Lauktu kwá dzera emnde a sawari á aiklasiya wá, sey kwá zlauzle

am gya hala-aatare emtsaade. Má shakuránka duksa mándzawe am itare wá, lauktu kwá faterar slera nanna.

¹¹ Nwasha-aha-aatare keni maa, a garevge ba nwasha na ni shagera zlalava-aatare na. A garefka emnde a paysađa, bi emnde a mbazla. Itare wá, a garevge emnde na dzayye ervaunde-aatare am duksa bademme.

¹² Slesawari á aiklaisiya wá, mukse-aara sey ba palle, diyaadiya tsatermaare ge egdzara-aara, antara huđe á há-aara bademme. ¹³ Emnde a sawari á aiklaisiya wá, má shagera slera-aatare wá, tá an daradza jipu áza emnde. Itare tá dzegwándzegwa ndaha elva á Yaisu *Almasiihu ba parakke á katafke á emnde, adaba fartarfe an unjule-aara.

Jirire á elva na a samiyansaa Dadaamiya

¹⁴ Yá tama dezeņa ba herzhe na, amá keni náwa yá puwakte nalmesheri na wá, ¹⁵ ganakini ma danaaka watsewatse keni, ká naba diyeddiye geni tá njá estara emnde na tá am huđe á há á Dadaamiya. Huđe á há á Dadaamiya nanna wá, amaana aiklaisiya á Dadaamiya, Dadaamiya na ni ankwá ba jirire na. Aiklaisiya nanna wá, á nana ba nane jirire á Dadaamiya, ba seke náza á kawé á bere á nana nane ire á bere na. ¹⁶ Elva na ni a samiyansaa Dadaamiya am nadina á miya na wá, elva a jirire jauje ge duksa na am duniya bademme, baaka ura á gan jawe dekideki. Elva nanna ba Yaisu *Almasiihu:

Nane a naba gev urimagwe, a maresaa ba Shedekwe Cufedde geni nane slejirire, malika-aha keni naranna, emnde keni

balarsebale waazu-aara am larde-aha gergere, emnde kwakya fartarfe áte ñane am duniya, daaci a eksante ge Dadaamiya á dem samaya, á dem tate na an daradza jipu na.

4

Má herzhapteherzhe zla á duniya, emnde umele tá de yá fetarfire

¹ Shedefkwe á Dadaamiya a enndaha ba parakke, geni má herzhapteherzhe zla á duniya wá, emnde umele tá de yá fetarfire, tá de cena elva á emnde na keƒateraakedƒa shaitaine, tá de ƒabete shagerkire na a kwaratersaa shaitaine ge emnde ñanna. ² Emnde a fida ñanna baaka jirire-aatare ƒekideki, gaaga shaitaine ervaunƒe-aatare, tá de keƒátera ba itare emnde áte unjule a jirire. ³ Ta bantsa emnde ñanna: Ba gá mukse keni shagerka. Zlaƒe ádaliye, tá anƒkwa piyaterante ge emnde geni a zarka náza za-aha umele anƒkwa gergere. Amá Dadaamiya a nderaa náza za gergere wá, ba geni tá de záná emnde. Daaci emnde na fartarfe, di-yareddiye jirire á Dadaamiya wá, ta naba za duksa ñanna, má slafarannaaslafa we-aatare ge Dadaamiya. ⁴ Adaba baƒemme á názu a nderanaa Dadaamiya shagera, baaka una laake am huƒe-aara, má mí lyiyaná an slafa we á miya ázeñara. ⁵ Adaba elva á Dadaamiya, antara maduwa am zhera-aara á ganvege náza za ñanna cuƒeƒe.

*Sleslera á Yaisu *Almasiihu an jirire*

⁶ Naba kwaratersekware elva ɲanna ge egdzar mama-aha á miya emnde a fetarfe, ká gevge sleslera á Yaisu *Almasiihu á ba an jirire, ká gevge ndzendzedá áte unɲule á Dadaamiya, adaba ɲakanaaɲa jirire an ervaunɲe á ɲa palle, hyemhye elva-aara am vuwa á ɲa. ⁷ Yanánka ervaunɲe á ɲa ge narwandza-aha na á melakuka dekideki áte unɲule á Dadaamiya na. Ekka wá, ma vaatara keni emmága ba názena á kataná Dadaamiya an ndzedá á ɲa bademme. ⁸ Á ba am duniya na keni, edda una aɲkwa á sala vuwa-aara wá, aɲkwa nampire-aara cek-waangudí. Amá slewava ge maga názena á kataná Dadaamiya wá, kwakya nampire-aara. Adaba á ba am duniya na keni diyaadiya ganakini á shansha shifa aɲwaslire, diyaadiya geni shifa ɲanna á zleka dekideki. ⁹ Elva ɲanna wá, elva a jirire, shagera tá lyeválya emnde an ervaunɲe-aatare palle. ¹⁰ Adaba una ɲanna, má aɲkwa wava an ndzedá á miya bademme ge mága slera ɲanna, adaba mi fete tama á miya áte Dadaamiya na aɲkwa ba jirire na. Diyamidiya ganakini ba ɲane una Slelya emnde bademme, kwakya-aara ba emnde na ta fetaare áte Yaisu Almasiihu. ¹¹ Bateránba elva ɲanna ge emnde, kwaratersekware edfaba-aara keni.

¹² Tsaatse ba dzaɲdzaɲe, a farakarka uk-saɲwire adaba ka egdzere. Ekka wá, gevge gáráva shagera ge emnde a fetarfe bademme, ma am ndaha elva, ma am zlalava shagera, ma ge waya emnde, ma ge fetaare áte Dadaamiya, ma ge nja cudedɲe keni, gevge garává shagera ge

itare. ¹³ Tsaatse ba shagera ge ndahater wakita á Dadaamiya ba kelaazare, ká palaternaapala sera-aara. Kwaratersekware á ba áte una nanna dem sarte na má danemda ya. ¹⁴ Manja slera an hakuma na a vaktaa Dadaamiya na an iga á erva. Adaba vacite nanna nabi-aha á Dadaamiya, ta magaa nabi-yire áte ka, emnde a sawari á aiklaisiya keni ta puwakarhe *erva a barka-aatare. ¹⁵ Una nanna slera á na, emmága an ervaunđe á na palle, a naranna emnde bademme ganakini ká ankwá wálá á ba de katafke. ¹⁶ Effa hyema áte ire á na, emmága enkale am názena ká kwaratersá ka ge emnde na. Yanka una nanna dekideki, naba emmága. Má magakanaamaga una nanna wá, ká de lyelye shifa á na, antara emnde na tá cenakvaare elva nanna keni bademme.

5

Slera á Timaute am aiklaisiya

¹ Emgyegwe a zhele wá, valarka an ndzedá. Ma ankwá názu a guwa nane keni, ndandaha á ba an enkale ba seke eddena. Ma dawalaa keni, giyatergiya á ba an enkale ba seke egdzar mama-aha a na. ² Ma emgyegwar nwashá keni, ba seke mama-aha a na. Máki gyaale-aha, ba seke egdzar mama-aha a na. Gevge edda á jirire á katafke á gyaale-aha nanna.

³ Fanufe hyema ge wegyege a mukse na baaka ura-aara ba jirire ge fanu hyema na. ⁴ Má tá ankwá egdzara á wegyege a mukse nanna bi eggye-aha-nara wá, kwaratersekware emtsaade

ge egdzara nanna fa zherwe áte emnde-aatare. A faranufe hyema ge emmetare, ba seke una ndza ta fateruwa dada-aha-aatare antara mama-aha-aatare hyema ge itare am sarte na zlafe ta egdzara mesheshe na. Una nanna duksa na á kataná Dadaamiya ázetare. ⁵ Wegyege a mukse na baaka ura-aara ba jirire na wá, nane a fetefa tama-aara á ba áte ndzedá á Dadaamiya palle. Vayi vacika á nala ba Dadaamiya ge melanumele. ⁶ Amá wegyege a mukse na á maga ba názena á kataná ire-aara na wá, ma zlafe á ba an shifa-aara keni, am ice á Dadaamiya ba seke an emtsa. ⁷ Kwaratersekware elva nanna, a narnaana ba shagera am ire-aatare, geni ma ware-aatare keni a jerka duksa mándzawe am nane. ⁸ Zlafe ádaliye: edda una á fateruka hyema ge vara-aha-nara, sakwa emnde na tá am hufe á há-aara ba ge nane, nane wá, dzalevdzale áte unjule á Dadaamiya, ngulme ba edda una dabaaka Yaisu *Almasiihu deki deki na arge nane.

⁹ Má ká ankwá farfe zlafe ádaliye ge puwa wegyegwar njwasha áte nalmesheri geni kwá de melaterumele wá, sey ká puwa ba edda una hyephe iva kul unkwáhe, ámaslán ndza zlalaaka á de gá zhele umele. ¹⁰ Adaliye: máki emnde keni ndza hayaranhaya slera-aara, máki ndza a fateru hyema ge egdzara-aara, ndza a lyiya wayve-aha am mba-aatare an unjule-aara, ndza a baraternaabara sera ge emnde a Dadaamiya, ndza a melaterumele ge emnde na ndza ta shaa zlafe, máki ndza a magaa ba slera á maggwire.

¹¹ Amá wegyege a mukse na zlaɓe gyaale á mukse wá, puweka zhera-aara, diyaŋka ambane watse á wáyá de gá zhele zlaɓe ádaliye, estuwa demda am fida yaikke, dzalevdzala áte unŋule á Yaisu *Almasiihu. ¹² Daaci estuwa tá de ŋezleka am shairiya, aɗaba badzaranvebadze elva na ndza ta ndaasa ba itare an we-aatare ganakini wayarka an ga zhele mazla-aara na. ¹³ Zlaɓe ádaliye: Ma de garka ba zhele umele keni, tá de gev masefe-aha, tá de ɗaba sera á wakiya á emnde ge ja ɗaba ba dey. Á tsaaka an masefire, tá de ɓala paysaɗa, tá de ɓala ice á dem duksa á emnde, tá de dem am elva-aha á emnde ba dey, tá de maga ba názu zlayeka ɗekiɗeki na. ¹⁴ Aɗaba una ŋanna maa, wegyege a mukse, má ba zlaɓe gyaale á mukse wá, wayanwaya geni á de ga zhele ádaliye, á de yaya egdzara-aara, á de fanufe hyema ge huɗe á há-aatare, geni a tateraaka barama ge kelaade-aha á miya ge zlazla zhera á miya. ¹⁵ Aɗaba tá aŋkwa emnde umele-aatare, kertenɗ dzalarevdzále áte unŋule á Dadaamiya, ta ɗabete Shaitaine. ¹⁶ Mukse a fetarfe wá, máki jerje wegyege a mukse am dagave á vara-aha-ŋara wá, a fanufe hyema ge wegyege a mukse ŋanna, a farka gwatame ŋanna ge aiklasiya, geni aiklasiya wá, á fateru hyema ge wegyegwar ŋwasha na ɓaaka emnde-aatare ɗekiɗeki na.

¹⁷ Nazu yá bakaná ya áte emnde á sawari á aiklasiya wá, má tá aŋkwa maga slera-aatare an unŋule-aara wá, slafawatera we á kure ba kwakya. Baaka ɗeme seke emnde a ɓala waazu, antara emnde a kwaraterse wakita á

Dadaamiya ge emnde. ¹⁸ Adaba a ba wakita á Dadaamiya: Ngudawanaanuka *japa ge we á dalau má aṅkwa á magakurá slera. A ba ṅane zlaḅe ádaliye: Sleslera wá, zlayanzlaya ganakini á zuze mbera-aara. ¹⁹ Má ura a se icaar sera ge slesawari á aiklaisiya wá, lyiyeka elva-aara d̄ekid̄eki, sey má jerje seyde-aha buwa bi keye. ²⁰ Ge emnde na tá aṅkwa maga haypa na wá, naba valaterarvále á katafke á emnde baḁemme, geni a waterwa lyáwa ge emnde umele.

²¹ Náwa názu yá bakaná ya á katafke á Dadaamiya, antara Yaisu *Almasiihu, antara á katafke á malika-aha na a dzeratersaa ṅane na, ṅanaaṅa elva ṅanna ba shagera am ire á ṅa: kuveka ice á emnde, eggerka emnde d̄ekid̄eki. ²² Hadzalka ge puware *erva a barka ge ura geni á maga slera á aiklaisiya, amá ká zlauzle am gya hala á edda-aara emtsaaf̄e. Ekka wá, dauka ka á dem haypa á emnde d̄ekid̄eki, ettsufa ire á ṅa am cufed̄f̄ire.

²³ Sheka sey ba yawe danṅwe mazla-aara, naba kuke egdza mbazla keni cekwaangud̄i. Adaba uwe, ba kelaazare ka lapika, á wáká huḁe á ṅa na wá, naba kuke geni ká shansha ṅgulmire.

²⁴ Haypa-aha á emnde umele wá, má zlaḅe kyarka ba shairiya-aatare keni, diyardiya emnde. Amá náza á emnde umele wá, tá taa diseka, sey tá dise am iga á shairiya. ²⁵ Slera shagera keni ba estuwa, tá aṅkwa nanna emnde. Ma naránka áte watsewatsire keni, á de shebeka d̄ekid̄eki.

6

¹ Una wá, yá baká elva á náve-aha. Baďemme á náve-aha, a faratersarfe ge dada-aha-aatare ba shagera, geni a zlazlarka emnde zhera á Dadaamiya, antara elva-aara na má ańkwa kwaratersá miya ge emnde na. ² Daaci náve-aha na dada-aha-aatare garevge emnde a fetarfe na wá, a baránka am ire-aatare ganakini: ńá gulanaagula fatersarfe, aďaba gamiyevge egdzar mama-aha am elva á Yaisu *Almasiihu, mi ba kalkale mazla-aara. Una estuweka. A magarmága slera-aatare, baira a jaranauje ge una werre. Aďaba dada-aha-aatare ńanna wá, itare fartarfe á ba an jirire áte Yaisu Almasiihu, daaci náve-aha-aatare keni wayaraterwaya ba kwakya. Kwaya ńane duksa na ká baterná ka ge emnde, ká kwaratersekwake emmága-aara keni.

Berbire a jirire

³ Má ańkwa ura á kwaraterse elva umele tsekemme ge emnde, ďabaaka jirire á elva á Yaakadada Yaisu *Almasiihu na mí kwaratersá miya ge emnde na wá, ⁴ edda-aara baaka duksa na a disaa ńane, á gálá ire ba dey, a dise ba gá jawe antara dzágwa elva an emnde. Jeba á emnde ńanna wá, baďemme á emnde tá ańkwa cenatercena na, itare keni tá kátá gev ba seke itare. Ta gá jawe, tá zlazla emnde, tá dzamaterve duksa shagerka ge ukfe-aha-aatare. ⁵ Jeba á emnde ńanna wá, gá jáwe á zleka ázetare ďekideki, aďaba shagerka eńkale-aatare, diyarka jirire. Itare, tá kurken má daremda am

elva á Dadaamiya wá, watse tá geva emnde a berba.

⁶ Ge jirire wá, má dakemda am elva á Dadaamiya wá, gakevge sleberba ba jirire. Amá wá, sey máki ká anƙwa á higa arge una anƙwa am erva á ɲa na. ⁷ Mi sem duniya an erva dey, mí de eptsá keni á ba an erva dey. ⁸ Daaci má shamiyansha kacakaca-aha á miya antara náza za wá, higaumihiga arge una ɲanna. ⁹ Amá emnde na tá anƙwa á kuma berbire na wá, tá átire á wáyá duksa na ni á badza emnde ba ɗekideki na. Tá anƙwa mbeɗa á dem bada á shaitaine, ta ba seke emnde na ni ta fem sera-aatare am zlegde. Tá de keɗanaakeda shifa-aatare ba ɗekideki. ¹⁰ Wáyá á shunƙu wá, baɗemme á haypa-aha á ba am huɗe-aara. Emnde umele, dzalarevdzale áte unɲule á Dadaamiya aɗaba ba wáyá á shunƙu ɲanna. Ta naba yaa fetarfire ba ɗekideki, kina keni njaaka ervaunɗe-aatare ɗekideki.

Sawari-aha umele am halavuwa á elva

¹¹ Timaute, ekka wá, ka ura á Dadaamiya, ettsufa ire á ɲa, ganávteka ge duksa ɲanna ɗekideki. Gevge slejirire á katafke á Dadaamiya, ká maga ba názena á kataná ɲane, ekhyanaaka fetarfire á ɲa, antara wáyáva á ɲa, ira farvaunɗe á ɲa. Gevge ura kemaare áza emnde. ¹² Tsaatse ba shagera áte unɲule á Dadaamiya, geni ká shánsha shifa na á zleka ɗekideki a ɗaaká Dadaamiya ge ɲane na. Aɗaba una ɲanna ka magaa seydire á katafke á emnde kwakya áte elva na ka fetaara ka átekwa na. ¹³ Yá ndaaka aɗaba Dadaamiya na a femaa ɲane shifa

am duksa bademme na, antara adaba Yaisu *Almasiihu na a magaa seydire á katafke á sleksu *Pilaatu na. ¹⁴ Effa hyema am názena a ndaaka Dadaamiya, emmága an ervaunđe á ña palle. Ettsufu ire á ña, a jerka duksa mándzawe áte ka. Njinja á ba áte una ñanna dem vacite na á de saasa Yaakadada Yaisu Almasiihu. ¹⁵ Á de sawa ñane vacite na má bánba Dadaamiya Saksage, ba ñane palle una Dadaamiya, ba ñane palle una edda á barka, Slekse arge slekse-aha, Yaakadada á male-aha bademme na. ¹⁶ Ba ñane palle una á njá an shifa dem ba ge ðekideki. Ankwa á njá am tate á parakkire na baaka sleganavtege ðekideki na. Baaka ura a naa Dadaamiya. Zlabe ádaliye baaka edda una á de nanna. Yaikkire antara hakuma wá, ba náza-aara palle dem ba ge ðekideki. *Aamin.

¹⁷ Náwa názu ká baterán ge emnde a berba: ma garevge emnde a berba am duniya na keni, a magarka kuravire, a farka tama-aatare keni áte berbire. Adaba diyarka laukte na ni watse á zlala nalmáne ñanna am erva-aatare. Itare keni a farfa tama-aatare á ba áte ndzedá á Dadaamiya na á vamitá ñane duksa bademme, ganakini mí njinja an higa na. ¹⁸ Bateranba geni a magarmága maggwire ba kwakya an berbire-aatare, a magarmaga shagerire. A magarka wadahire, a varartereva duksa-aatare ge emnde keni. ¹⁹ Má tá ankwa maganá áte una ñanna wá, tá ankwa jahaná nalmane á jirire na á zleka ðekideki na ge ire-aatare, tá de shansha shifa a jirire keni.

²⁰ Ekka Timaute wá, effa hyema am slera na

a fakaara Dadaamiya na. Gateravteka ge emnde na wayarwaya beɗa nara ba dey, antara mága duksa na á zlalaaveka an elva á Dadaamiya ɗekideki na. Emnde ɗanna ta bantsa itare ta emnde a diya, amá diya-aatare ɗanna gevka diya jirire ɗekideki. ²¹ Ya ndaanaa adaba uwe estuwa? Adaba ndza ta bantsa emnde umele ba estuwa ganakini ta emnde a diya; cekwaanɗuɗi wá, ta naba yaa fetarfire ba ɗekideki.

A magakuránmaga Dadaamiya ɗgurna-aara.

Wakita á Dadaamiya
La Bible en wandala

copyright © 1999 Wycliffe Bible Translators, Inc.

Language: (Wandala)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 21 Feb 2024 from source
files dated 29 Jan 2022

dec75dd5-4784-5059-aa00-668d508a6b0d